



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Acta Ecclesiae Mechliniensis, Anni M. DCC. XVIII. Circa  
Bullam Unigenitus**


**Archidiocèse <Malines>**

**Bruxellis, [1719]**

Exemplar Responsi Reverendissimi Domini Vicarii Apostolici  
Buscoducensis.

**urn:nbn:de:hbz:466:1-40699**

stræ Dominationis Excellentissimæ, & Reverendissimæ, Humillimus, & Obsequentissimus Servus.  
*Erat signatum.* HENRICUS JOSEPHUS *Episcopus Brugensis.*



## EXEMPLAR RESPONSI


*Reverendissimi Domini Vicarii Apostolici Buscoducensis.*

*Excellentissime, & Reverendissime Domine*

**E** Pistolam Pastoralem ab Excellentia Tuâ jam pridem editam, & promulgatam, ab eadem ad Suffraganeos suos Episcopos, & ad me missam, quâ decet submissione, & obedientiâ amplector, in quâ nimirum, & per quam audio, & sequor vocem ipsius Pontificis, ejusdemque Constitutionis doctrinam infallibilem: quantâ promptitudine ego, & ipsi Belgii Episcopi eam jam diu suscepimus, & promulgavimus, novit Illustrissimus, & Reverendissimus Dominus Santini, pervigil ille Internuntius Belgicus, & per eum Sua Sanctitas ipsa: modò agitur de Constitutionis illius executione, & observantiâ: ad eam egregiè Nos incitat Epistola Tua Pastoralis, simili zelo, quo illam urget Christi Vicarius postremis suis Literis 28. Augusti labentis anni datis, ut inferiorem Clerum, & commissas Nobis Christi oves à venenatis pascuis, & doctrinarum novitatibus sedulò arceamus, simulque Apostolicam ipsius sollicitudinem in revocandis ad saniora consilia quibuscumque diffidentibus efficacius adjuvemus: tam sanctæ voluntati obsecundantes Suffraganei Tui indubiè omnem operam,

ram, & laborem addixerunt, uti, & ego non impari desiderio, & zelo in idipsum, Deo adjuvante, allaborabo, tantò majori curâ, quantò Oves, & Pastores magnæ partis Diœcesis meæ loco, & periculo sunt propinquiores, non tantùm Schismaticis Pontificiæ Constitutionis contemptoribus vicini, sed ipsis hæreticis commixti: attamen in ejusmodi discrimine, nè hætenùs in tota mea Diœcesi novi subditos Catholicos, aut Pastores, qui de erroribus Jansenii, aut Quesnelli vel eminùs sint suspecti, quos scilicet, nec ego, nec Prædecessores mei, Internuntii Belgici, & Apostolicâ indagatione selecti, umquam ad Curam animarum admiserunt, nisi probè novissent, eos, seù in particularibus Seminariis, seù in Universitatibus, præcipuè Lovaniensi, alios non habuisse Magistros, quàm errorum similium osores, de quo omnibus Diœcesanis præcipua, & communis debet esse vigilantia: sanè famosa Universitas Lovaniensis, universale Belgii Seminarium abundat Professoribus, & Doctoribus ejusmodi, æquissimis Pontificiæ authoritatis, ejusque Constitutionum æstimatoribus: interim nequè in ea desunt aliqui, præcipuè unus, qui non cessat illi quotidie arrodere, & etiàm in hisce circumstantiis publicè suggerere, quòd nequè moderna Constitutio *Unigenitus*, neque ullæ aliæ Bullæ, licèt Dogmaticæ, Catholicos obligent, antequàm à Consiliis Regiis sint placetata, invitis, & id nolentibus Supremis ipsorum Consiliorum, & Belgii Principibus: fundamentum latissimum hujus, similiumquè assertionum posuit in famoso suo Libro, cui titulus, *Jus Ecclesiasticum Universum*, titulo de Jurisdictione Ecclesiastica; ubi Vir ille Ecclesiasticus ex Petro Cunerii, & Molinæo docet, quòd nequè Ecclesiæ, nequè Episcopis ejus propria sit Jurisdictio, sed precaria dum-

dumtaxat, qualem Principes Sæculi ipsis crediderunt, atque concesserunt, & sparsim alibi hisce pejora: cum verò ante ipsum nullus omninò Author Belga, neque Laicus, neque Ecclesiasticus hactenùs hanc Doctrinam adduxerit in Belgium, optandum est summoperè, ut hoc novo fermento purgetur fœcundum Belgii Seminarium Universitas Lovaniensis: hoc opus, hic labor etiam nunc tuus est, Præful Excellentissime. In hoc voto permaneo profundâ veneratione. Mechliniæ 8. Decembris 1718. Excellentissime, ac Reverendissime Domine, Vestræ Dominationis Excellentissimæ, & Reverendissimæ, Humillimus, & Obsequentissimus Famulus. *Erat signatum.* P. GOVARTS Vicarius Apostolicus Buscoducensis.



## EXEMPLAR RESPONSI

*Amplissimorum Dominorum Vicariorum  
Generalium Sedis Vacantis Iprensis.*

*Excellentissime, ac Reverendissime Domine*

S Anctissimi Domini Nostri Clementis Epistolam Catholicam, & Vestram Pastoralem æquè amplexi sumus: & jam indè iteratum Fidei nostræ, & lætitiæ Testimonium hujus Diœcesis Fidelibus dedissemus, si eorum incredulitas eo adjuvari, vel Fides roborari exigeret. Verùm, quod Nos summoperè delectat, in hac ipsa Sede, à quâ error quodammodò sumpsit exordium, neminem scimus, qui Doctrinam Jansenii de Gratia Salvatoris, & non potiùs obedientiam, & submissionem ejus ergà Summum Christi in Terris Vicarium constanter sequatur. Obmuffitarunt quidè contrà Con-  
stitu-